

# Catalunya

Ci era un populu altieru, in cerca di a so armonia  
Di u so passatu fieru, di vittorie è d'allegria  
Quandu e botte d'un imperu, incciacconu a demucrazia.

Da Rumani arrabiati, à e stonde Barbaresche  
Da paesi marturiati, à fureste incantareccie  
Da dittatori impustati, cù e so fole à scimesche.

**N'hà fattu a to sfurtuna, d'esse a parte a più bona  
Ma un trema Catalunya, da Lérida à Barcelona  
Catalunya, Catalunya.**

D'ottobre u primu ghjornu, è à ora matinale  
Fù u sfrombu di u stolu, chì suffiò cume murtaie  
A i cannoni di u molu, in cima à a catedrale.

In campagna o in carrughju, per qualera d'accunsentu  
N'hè natu grande lu rughju, à l'omu di tradimentu  
Chi cundannò in un mughju, à tuttu un guvernamentu

**Nhà fattu a to sfurtuna, d'esse a parte a più bona  
Ma un pienghje Catalunya, da Girona à Tarragona  
Catalunya, Catalunya.**

Alzemu cum'un tesoru, per quale a vole sapè  
Chi a nostra testa di moru, hè girata versu te  
Micca per cullari d'oru, nè per tituli di Rè..

**Catalunya, catalunya  
Catalunya, catalunya...**